

आकाशवाणीखबरां

1. प्रधानमंत्री नरेंद्र मोदी होरें गुजरात च 35 ज्हार करोड़ रुपें थमां मते दी विकास परियोजनाएं दा उद्घाटन कीता।
2. विदेश मंत्रालय नै जानकारी दिती ऐ जे भारत ते चीन नै एल.ए.सी दे कोल कमांडर सतह दी फ्लैग बैठक आयोजित कीती।
3. प्रधानमंत्री नरेंद्र मोदी ते राष्ट्रपति पुतिन होर ब्रिक्स शिखर सम्मेलन च दपक्खी गल्लबात करडन।
4. राष्ट्रपति द्रौपदी मुर्मू होर इस म्हीने दी 22 तरीक गी गुजरात दे एकता नगर च 72में राष्ट्र फिल्म पुरस्कार प्रदान करडन।
5. भारती मौसम विभाग नै अज्ज बिहार, पूर्वी उत्तर प्रदेश, उड़ीशा, पच्छिम बंगाल ते मुलखै दे उत्तर पूर्वी हिस्सें च भारी बरखा दी पेशनगोई कीती ऐ।
6. अहमदाबाद च आयोजित 2026 विश्व पैरा आर्चरी श्रृंखला च भारत नै दो सुन्ने दे ते इक्क चांदी दा तगमा हासिल कीता ऐ।

<><><><><>

PM-Guj.

प्रधानमंत्री नरेंद्र मोदी होरें अज्ज गुजरात दे बडोदरा च 35 ज्हार करोड़ रुपे दे बक्ख-बक्ख विकास पहलकदमियें दा उद्घाटन कीता ते उंदा नीह पत्थर रखेआ। प्रधानमंत्री होरें पच्छमी समर्पित मालभाड़ा गलियारे दे त्रै मुख खेड्डें गी राष्ट्र दे समर्पित कीता जेह्दे कन्नै हुन एहू पूरा नेटवर्क पूरी चाल्ली बनियै तैयार होई गेआ ऐ ते एह्दे पर कम्म शुरू होई चुके दा ऐ। एह्दे अलावा उनें न्यू सांनंद, न्यू मकरपुर, न्यू अंबरगाउ ते न्यू जे.एन.पी.टी थमां सम्यानै आले रेल गड्डियें दी सेवा गी बी हरी झंडी दस्सी ते टांडा शिडक ते बडोदरा थमां सवारिएं लेई बी रेल सेवाएं दी शुरूआत कीती जेडी अलीराजपुर दे जनजातीय दूर-दरेडे इलाकें गी राष्ट्र रेल ग्रिड कन्नै जोड़गा। इस मौके पर लोकें दे किटु गी संबोधित करदे होई प्रधानमंत्री होरें जोर पाइयै आखेआ जे भारत हुन दुनिया च विनिर्माण केंद्र दे रूपै च उभरेआ ऐ ते मुख्य हुन आपूं गै रेल ते मेट्रो दे कोच बना'रदा ऐ। श्री मोदी होरें भारत ते यातायात ते रसद क्षेत्रें पर लोह पांटे होई आखेआ जे गलियारें दे 2800 किलोमीटर थमां मते दा कम्म पूरा करना भारत दी 21मीं सदी दी बड़ी गै बड़ी उपलब्धि ऐ ते एहू इस गल्ल दा सबूत ऐ जे मुखै च कम्म बदला'रदा ऐ। इस प्रोग्राम दे दुरान श्री मोदी होरें 9700 करोड़ रुपे दे 3 रेल प्रोजेक्टें दा बी नीह पत्थर रखेआ।

<><><><><>

India China

इस म्हीने दी 6 तरीख गी अरुणाचल प्रदेश च भारती खेत्तर दे वाका च ते पिछले कल चीनी खेत्तर दे दामाई च पैहली सैन्य कमांडर स्तरीय फ्लैग बैठक आयोजित कीती गेई। नमीं दिल्ली च अज्ज दपैहरी मीडिया गी संबोधित करदे होई विदेश मंत्रालय दे प्रवक्ता रणधीर जायसवाल होरें आखेआ जे पच्छमी खेत्तर च बी इयै नेया तंत्र मौजूद ऐ। उनें आखेआ जे एहू कमांडर स्तरीय बैठक अगस्त 2025 ते अगस्त 2026 गी भारत ते चीन दे विशेष प्रतिनिधियें दे बश्कार बनी दी सहमतियें ते परामर्श लेई कार्यकारी तंत्र यानि डब्ल्यू.एम.स.सी दी बैठकें च एह्दे बाद होई दी चर्चाएं दे अनुरूप आयोजित कीती गेई ही।

<><><><><>

IFFJK

जम्मू च चला'रदे अंतरराष्ट्री फिल्म महोत्सव राएं खित्ते दे उभरदे फिल्म उद्योग ते सरबन्धी हुनर गी हक मौका थोआ रदा ऐ। फिल्म निर्माताएं दा आखना ऐ जे एह्दे कन्नै युवाएं गी अभिनय, निर्देशन, लेखन ते तकनीकी फील्ड च खासा अनुभव थोहो ते ओहू इस भेठा अपना भविष्य बनाई सकदे ना। बालीवुड निदेशक ते पटकथा लखारी श्री राधवन होरें आखेआ ऐ जे फिल्म निर्माण च केई सारे तकनीकी माहिरें दी लोड़ हुं'दी ऐ। उनें मेद जाहिर कीती ऐ जे एहू उत्सव उनें लोकें गी बढ़ावा देग जेडे इस भेठा अपना भविष्य बनाना चाहंदे ना। उनें आखेआ जे कश्मीर च सिनेमा आस्तै बड़ी मती समर्थ मौजूदा ऐ।

<><><><><>

Bhupen V.P

उपराष्ट्रपति सी.पी राधाकृष्णन होरें अज्ज भारत रत्न डा. भूपेन हजारिका हुंदी जयंती पर उनेंगी श्रद्धांजलि भेंट कीती। सोशल मीडिया पोस्ट च राधाकृष्णन होरें आखेआ जे डा. हजारिका होरें अपने संगीत ते असरदार शब्दें राएं असम, पूर्वोत्तर ते व्यापक मानवीय संवेदनाएं गी अभिव्यक्ति दिती।

<><><><><><>

Bhupen Hazarika Tribute

प्रधानमंत्री नरेंद्र मोदी होरें मशहूर गायक ते असम विधानसभा दे साबका सांसद भारत रत्न डा. भूपेन हजारिका गी उंदी 100मीं जयंती पर श्रद्धांजलि भेंट कीती। उनें आखेआ जे डा. हजारिका दी अवाज नै असम दी आत्मा ते पूर्वोत्तर दी भावना गी पूरे मुख्य तगर पजाया। रक्षा मंत्री राजनाथ सिंह ते गृह मंत्री अमित शाह होरें बी भारत रत्न डा. भूपेन हजारिका होरें गी उंदी जयंती पर शरदांजलि भेंट कीती। शाह होरें आखेआ जे भूपेन हजारिका हुंदे संगीत नै असमिया संस्कृति गी ओदी सम्पूर्ण विविधता कन्नै विश्व मंच तगर पजाया। राजनाथ सिंह होरें आखेआ जे डा. हजारिका इक महान सांस्कृतिक व्यक्तित्व ते दूरदर्शी व्यक्ति हे।

<><><><><><>

Modi Putin Brics

प्रधानमंत्री नरेंद्र मोदी ते रूसी राष्ट्रपति व्लादिमीर पुतिन ब्रिक्स शिखर सम्मेलन च दपक्खी गल्लबात करडन। नमीं दिल्ली च इक वर्चुअल ब्रीफिंग च मीडिया गी संबोधित करदे होई क्रेमलिन दे प्रवक्ता दिमित्री पेसकोव होरें आखेआ जे दवै नेताएं बश्कार आपसी हित दे मुद्दे पर गल्लबात करने दी मेद ऐ।

<><><><><><>

Prez. National Film Awards

राष्ट्रपति द्रोपदी मुर्मू होर इस म्हीने दी 22 तरीक गी गुजरात दे एकता नगर च 72में राष्ट्री फिल्म पुरस्कार प्रदान करडन। सूचना ते प्रसारण मंत्रालय नै आखेआ ऐ जे इस बरे दे पुरस्कार बक्ख-बक्ख भाशाएं, शैलियें ते सिनेमाई रूपें दी विविधता दा जश्र मनांदे न। एहदे च इबबी आखेआ गेदा ऐ जे आर्टिकल 370 गी सर्वश्रेष्ठ फीचर फिल्म दे रूपै च सम्मानित कीता जाह्ग। भांगार गी सर्वश्रेष्ठ फीचर फिल्म ते रामनोमी गी ज्यूरी राएं सर्वश्रेष्ठ डाक्यूमेंट्री चुनेआ गेआ ऐ। फिल्म भ्रमयुगम लेई अभिनेता ममूटी ते चंदू चैंपियन लेई कार्तिक आर्यन गी बेस्ट एक्टर चुनेआ गेआ ऐ। आर्टिकल 370 फिल्म लेई यामी गौतम गी बेस्ट एक्टरस दा अवार्ड मिलग। एहदे अलावा रणदीप हुड्डा गी फिल्म स्वातंत्र्य वीर सावरकर आस्तै बेस्ट न्यू डायरेक्टर दा पुरस्कार दित्ता जाह्ग।

<><><><><><>

Int. Literacy Day

अज्ज अंतरराष्ट्री साक्षरता दिवस ऐ। व्यक्तियें, समुदाएं ते समानें लेई साक्षरता दे महत्वै गी हर कुसै गी एहदा चेता दोआने लेई एह ध्याडा हर बरे 8 सितंबर गी मनाया जंदा ऐ। इस बरे अंतरराष्ट्री साक्षरता दिवस दा विशेसार ऐ Literacy for people, the planed and prosperity यानि लोकें, ग्रह ते समृद्धि लेई साक्षरता।

<><><><><><>

UK-India

भारत थमां समेयान बाहर भेजने आहले बपारियें लेई इक चंगी खबर ऐ। यू.के नै भारत दी कार्बन क्रेडिट स्कीम गी मंजूरी देई दिती ऐ। एहदा फायदा एह होग जे स्टील, अलुमिनियम, खाद ते सिमेंट जनेय समेयानें पर जेदा टैक्स दा भुगतान बपारी पैहले गै भारत च करी चुके दे न, ओदे पर उनेंगी यू.के च छूटी मिली जाह्ग।

<><><><><><>

Govt. PM

सरकार नै राजस्थान, उत्तर प्रदेश ते तेलंगाना च आई.टी.आई समूहें आस्तै 735 करोड़ रपे थमां मते रपें दी योजना बनाई ऐ जेदे तैहत् इत्थे निवेश कीता जाह्ग। इंदे च राजस्थान लेई 241 करोड़ रपे दी निवेश योजना, यू.पी लेई 240 करोड़ रपे दी ते तेलंगाना लेई 254 करोड़ रपे दी निवेश योजना शामिल ऐ। इसी प्रधानमंत्री कौशल ते रोजगार परिवर्तन उन्नत आई.टी.आई दे राएं पी.एम सेतू दी राष्ट्री संचालन समिति यानि एनएससी दी 5मीं बैठक दरान मंजूरी दिती गई। एह बैठक कल कौशल विकास ते उद्यमिता मंत्रालय दे सचिव देवाश्री मुखर्जी

हुंदी अध्यक्षता च आयोजित कीती गई ही। मंत्रालय नै इक बयान च आखेआ जे इनें मंजूरिएं दे कन्नै पी.एम सेतू दे तैहत 9 आई.टी.आई समूहें लेई कुल तय कीता गेआ बजट हुन बधाइयै 2 जहार 171 करोड़ रपे होई गेआ ऐ।

<><><><><><>

Weather

भारती मौसम विभाग नै बिहार, पूर्वी मध्य प्रदेश, पूर्वी उत्तर प्रदेश, उड़ीसा, पच्छिम बंगाल ते भारत दे उत्तर पूर्वी इलाकें च अज्ज भारी बरखा पौने दी पेशगोई कीती ऐ। विभाग दा आखना ऐ जे अंडमान, निकोबार, बिहार, उड़ीसा, पच्छिम बंगाल दा हिमालयी हिस्सा, सिक्किम ते तेलंगाना च कल धोड़ी तेज ब्हाएं दे कन्नोकन्नी गरज-चमक दे असार बी दस्से गेदे ना।

<><><><><><>

Para-Archery

तीरंदाजी च भारत नै अज्ज अहमदाबाद च 2026 विश्व पैरा आर्चरी श्रृंखला लेग श्री च दो सुन्ने दे तगमे जित्ते। हरविंद्र सिंह ते विजय सुंडी होरें पैरा रिकर्व मेन्स डबल्स दे फाइनल च स्लोवाकिया गी 6-2 कन्नै हरइयै लगातार त्रीया पैरा आर्चरी श्रृंखला दा खिताब अपने नां कीता। इस जोड़ी नै एह्दे शा पैहले बैंकाक च चीनी ताइपे नोवे मेस्टो चरण च यूक्रेन गी हराइयै स्वर्ण पदक जित्तेया हा।

<><><><><><>

Delhi HC Hostel

दिल्ली उच्च न्यायालय नै दिल्ली विश्वविद्यालय दे तैहत सारे कालजें च छात्रावास दी सुविधा दी मंग आहली जनहित याचिका पर फौरी सुनवाई थमां अज्ज इंकार करी दित्ता। अदालतै आखेआ ऐ जे इस याचिका गी सुनवाई आस्तै कल स्वततः सूचिबद्ध कीता जाह्ग। दिल्ली विश्वविद्यालय दे साउथ कैम्पस कश सत्य निकेतन च पी.जे इमारत डेई पौने मगरा एह् याचिका दायर कीती गई। इस हादसे च 7 लोकें दी मौत होई ही। अदालत दे मुख्व न्याधीश देवेन्द्र कुमार उपाध्याय हुं'दी पीठ नै आखेआ जे ऐसे निर्देश गी खीरी चरण च जारी नेई कीता जाई सकदा।

<><><><><><>

Sankri Devta Mela

उधमपुर जिले दी पंचैरी तहसील दे मीर ग्रांस च त्रै रोजा ऐतिहासिक सांकरी देवता मेला अज्जै थमां शुरू होआ। सदियें पराने सांकरी देवता मंदर कन्नै जुड़े दे इस सलाना मेले च पूरे इलाके थां श्रद्धालु औंदे ना। मेले च सांस्कृतिक कार्यक्रम, लोक गीत ते नाच, ग्रामीण खेडू ते रिवायती कुश्ती प्रतियोगिता शामिल ना। कुश्ती आस्तै केंद्र शासित प्रदेश दे बाहरले राज्यें थमां पहलवान हिस्सा लै'रदे ना। जिला प्रशासन नै मेले दे सफल आयोजन लेई व्यापक बंदोबस्त कीते दे ना। इस समारोह च जम्मू दी समृद्ध सांस्कृतिक ते धार्मिक परम्पराएं गी दर्शाने दे कन्नोकन्नी सैलसफा गी बढावा देने ते मुकामी अर्थ बवस्था गी निगगर करने दा जत्त कीता जंदा ऐ।

<><><><><><>

Bombay HC Rahul Gandhi

बाम्बे हाई कोर्ट नै कांग्रेस सांसद राहुल गांधी होरें गी प्रधानमंत्री नरेंद्र मोदी हुंदे खलाफ उं'दी टिप्पणिएं गी लेइयै 2019 च मानहानि मामले च जारी समन गी रद्द करने थमां इंकार करी दित्ता ऐ। न्यामूर्ति एन.आर बोरकर हुंदी पीठ नै गांधी हुंदी याचिका गी खारिज करी दित्ता। याचिका च उनें मेजिस्ट्रेट अदालत दे उस आदेश गी चुनौती दित्ती ही जेदे तैहत उंदे खिलाफ कार्रवाई शुरू कीती गई ही। हालांकि अदालतै मैजिस्ट्रेट हुंदे सामने सुनवाई गी 6 हफ्तें आस्तै स्थगित करने दे अपने 2021 दे निर्देश गी बरकरार रक्खेआ। एह् मामला राफेल सौदे पर गांधी हुंदी 2018 दी टिप्पणिएं गी लेइयै दायर मानहानि दी शकैत कन्नै जुड़े दा ऐ।

<><><><><><>